



Broj: 05/7-50-13-986-4/13
Sarajevo, 27.12.2013.

ZAPISNIK

4. sjednice Vijeća nacionalnih manjina BiH, održane 27.12.2013.

Sjednica je počela u 12,05 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Jakob Finci, Andrija Svatok, Nada Putica, Nedžad Jusić, Jovanka Manžalović-Šalaka, Halil Bicaj, Eva Pašić-Juhas, Hakan Varan, Marija Grbić, Vjeročka Gajić, Todorka Jovanović, Velibor Kuvač, Dejan Piotrovski i Mladen Radmilović.

Sjednici, iz opravdanih razloga, nisu prisustvovali Silvija Vujović i Tijana Vučurević.

Sjednici su, također, prisustvovali: Jovica Katić, Sektor za odnose s javnošću Sekretarijata PSBiH, Adnan Habul, predstavnik Misije OSCE-a u BiH, i Anđelka Dobrilović-Rajak, stručna saradnica u Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku.

Članovi Vijeća nacionalnih manjina BiH **jednoglasno su** usvojili sljedeći

DNEVNI RED

1. Usvajanje Zapisnika 3. sjednice Vijeća nacionalnih manjina BiH;
2. Usvajanje Poslovnika Vijeća nacionalnih manjina BiH na osnovu saglasnosti Predstavničkog doma s 58. sjednice, održane 5. 12. 2013., i Doma naroda s 34. sjednice, održane 16. 12. 2013.;
3. Razmatranje Prijedloga izmjene i dopune Odluke o osnivanju Vijeća nacionalnih manjina Bosne i Hercegovine ("Službeni glasnik BiH", br. 38/06, 93/08 i 53/09);
4. Razmatranje pristiglih odgovora na upite Vijeća nacionalnih manjina BiH s 1. sjednice;
5. Inicijativa za izradu izvještaja o ocjeni položaja nacionalnih manjina u BiH;
6. Razno.

Ad.1. Usvajanje Zapisnika 3. sjednice Vijeća nacionalnih manjina BiH

Vijeće nacionalnih manjina BiH **jednoglasno** je usvojilo Zapisnik 3. sjednice.

Ad.2. Usvajanje Poslovnika Vijeća nacionalnih manjina BiH na osnovu saglasnosti Predstavničkog doma s 58. sjednice, održane 5. 12. 2013., i Doma naroda s 34. sjednice, održane 16. 12. 2013.

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Nedžad Jusić, Nada Putica, Jakob Finci i Halil Bicaj.

Vijeće nacionalnih manjina BiH je, s **14** glasova „za“ i jednim „suzdržanim“, usvojilo Poslovnik Vijeća nacionalnih manjina BiH na osnovu saglasnosti Predstavničkog doma s 58. sjednice, održane 5. 12. 2013., i Doma naroda s 34. sjednice, održane 16. 12. 2013.

Takođe, usvojen je i prijedlog da se članovima Vijeća nacionalnih manjina BiH dostave poslovnici oba doma Parlamentarne skupštine BiH radi uvida u proceduralni redoslijed dostavljanja dokumenata navedenim tijelima.

Ad.3. Razmatranje Prijedloga izmjene i dopune Odluke o osnivanju Vijeća nacionalnih manjina Bosne i Hercegovine ("Službeni glasnik BiH", br. 38/06, 93/08 i 53/09)

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Jakob Finci, Andrija Svatok, Nada Putica, Nedžad Jusić, Mladen Radmilović i Hakan Varan.

Vijeće nacionalnih manjina BiH je, s **11** glasova „za“ i četiri „protiv“, usvojilo **Prijedlog izmjene i dopune Odluke o osnivanju Vijeća nacionalnih manjina Bosne i Hercegovine ("Službeni glasnik BiH", br. 38/06, 93/08 i 53/09)**, te poziva Zajedničku komisiju za ljudska prava, prava djeteta, mlade, imigraciju, izbjeglice, azil i etiku da kao ovlašteni predlagač ovaj prijedlog uputi u zakonodavnu proceduru, u skladu s poslovnicima oba doma Parlamentarne skupštine BiH.

Ad.4. Razmatranje pristiglih odgovora na upite Vijeća nacionalnih manjina BiH sa 1. sjednice

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Hakan Varan, Jakob Finci, Nedžad Jusić, Dejan Piotrovski, Nada Putica, Velibor Kuvač, Andrija Svatok, Marija Grbić, Mladen Radmilović, Jovanka Manzalović Šalaka i Todorka Jovanović.

Vijeće nacionalnih manjina BiH razmatralo je pristigle dopise, te s tim u vezi usvojilo zaključake:

Informacija Ministarstva za ljudska prava i izbjeglice BiH

Vijeće nacionalnih manjina BiH predlaže Ministarstvu za ljudska prava i izbjeglice BiH da u radnim grupama za izradu Strateške platforme ostanu članovi koji su imenovani u ime Vijeća nacionalnih manjina BiH u prethodnom mandatu.

Dopis Centralne izborne komisije BiH

Vijeće nacionalnih manjina BiH razmatralo je Odgovor Centralne izborne komisije BiH, od 2.12.2013., te usvojilo Zaključak kojim se od Centralne izborne komisije BiH traži dopuna informacija o učešću predstavnika nacionalnih manjina na lokalnim izborima 2012. godine.

Dopis Ministarstva civilnih poslova BiH

Predsjedavajući Vijeća nacionalnih manjina BiH Tihomir Knežiček i druga zamjenica predsjedavajućeg Nada Putica održat će sastanak s predstavnicima Ministarstva civilnih poslova BiH kako bi se pokušala pronaći mogućnost za otvaranje posebnog granta za dodjelu finansijskih sredstava za podršku udruženjima nacionalnih manjina u njihovom radu.

Odgovor iz Kabineta sekretara Zajedničke službe Parlamentarne skupštine BiH na zahtjev za dodjelu finansijskih sredstava za 2014. godinu za Vijeće nacionalnih manjina BiH

Vijeće nacionalnih manjina BiH primilo je k znanju navedenu informaciju.

Ad.5. Inicijativa za izradu izvještaja o ocjeni položaja nacionalnih manjina u BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Jakob Finci, Nedžad Jusić, Andrija Svatok, Nada Putica, Hakan Varan i Dejan Piotrovski.

Vijeće nacionalnih manjina BiH usvojilo je zaključak da se Izvještaj o ocjeni položaja nacionalnih manjina u BiH radi za 17 nacionalnih manjina koje su priznate Zakonom o zaštiti prava pripadnika nacionalnih manjina ("Službeni glasnik BiH", broj 12/03), kao i prijedlog da

predsjedavajući Vijeća nacionalnih manjina BiH Tihomir Knežiček pripremi metodologiju izrade izvještaja o ocjeni položaja nacionalnih manjina u BiH.

Ad. 6. Razno

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Nedžad Jusić, Hakan Varan, Velibor Kuvač, Jakob Finci, Halil Bicaj, Vjeročka Gajić, Nada Putica, Jovanka Manzalović-Šalaka i Andrija Svatok.

Vijeće nacionalnih manjina BiH primilo je k znanju Informaciju o statusu pripadnika austrijske nacionalne manjine koja je upućena na adresu predsjedavajućeg Tihomira Knežičeka.

Vijeće nacionalnih manjina BiH usvojilo je zaključak kojim se od Ministarstva obrazovanja i nauke Vlade Federacije BiH, Ministarstva prosvjete i kulture Vlade Republike Srpske i Misije OSCE-a u BiH traži informacija o primjeni Priručnika za učenike o kulturi, baštini i tradiciji nacionalnih manjina u BiH i Metodičkog priručnika za nastavnike.

Sjednica Vijeća nacionalnih manjina BiH završena je u 14,05 sati.

Sastavni dio ovog zapisnika je tonski snimak 4. sjednice Vijeća nacionalnih manjina BiH.

Predsjedavajući Vijeća nacionalnih manjina BiH

prof. dr. Tihomir Knežiček